



Komunikado ba Imprensa XXXXIV,30 Setembru 2010

**PN SUSPENDE LEI REPARASAUN NO INSTITUISAUN MEMORIA:  
ETCRN DALAN DIAK LIU DEBATE ULUK RELATORIU CHEGA!**

Liafuan ne'e hato'o husi Jose Caetano Guterres, Kordenador Komite Kordenasaun ETCRN relasaun ho desizaun PN nian hodi suspende diskusaun espesialidade ba projeitu lei kriaun Instituisaun da memoria no reparasaun ba vitimas husi tinan 1975-1999 ba tinan 2011. Jose salienta liu tan katak tuir observasaun durante sesaun plenaria iha PN, loron 21-23 no 28 Setembru hatudu katak PN seidauk kumpriende didiak substansia husi projeitu lei refere. Situasaun ne'e hamosu pro-kontra ba substansia projeitu lei ne'e nian no PN rasik deside hodi suspende diskusaun ba espesialidade (Timor Post 24 Set 2010).

Tuir Jose katak situasaun ne'e akuntese tan bankada sira iha Komisaun A nebe sai proponente ba projeitu lei ne'e rasik sei iha duvidas ba substansia projeitu lei rua ne'e nian no sira labele defende lei refere iha plenaria. Nune mos Komisaun A rasik la dun halo konsulta didiak molok apresenta proposta lei ne'e iha plenaria PN nian. Komisaun A halao konsulta publika ho maratona deit iha Dili no ema barak inklui vitima sira rasik mos la hatene kona ba kontiudu husi lei refere. Heto'ok triste liu bainhira PN RASIK LA HALO DEBATE KL'EAN BA RELATORIU CHEGA! molok defini atu halo lei ba Instituisaun memoria no reparasaun ba vitimas husi tinan 1975-1999. Hahalok PN iha legislasaun ida ne'e nian nebe la halo debate ba relatoriu Chega! maibe obriga an hodi halo lei ba implementasaun Chega! ne'e hatudu katak PN halimar deit ho relatoriu importante ida ne'e. Tuir lolos se Estado hakarak atu implementa rekomendasaun Chega! tuir rezolusaun no 39/II/2009 PN rasik tenke halo debate uluk ba Relatoriu Chega!.

Ho suspensaun ba diskusaun iha espesialidade ba lei refere ne'e nudar lisaun aprendizagem ida ba PN atu halo reflesaun ba sira nia prosesu halo lei nian iha futuro. Halo lei tenke halo ho efektivu no kualidade hodi labele hetan suspensaun hanesan dadaun ne'e depois mak fo todan fali ba veterano sira. Ida ne'e ladun diak tan hatun fali ema veterano sira nia naran. Nune mos ETCRN Ejiji ba deputadu sira atu uza tempu suspensaun nian ne'e hodi halo konsulta klean liu tan no le'e didiak rekomendasaun iha relatoriu Chega! hodi sira bele halo lei ida nebe diak hodi responde ba relatoriu Chega!. ETCRN mos kontinua ejiji PN atu halo debate ba relatoriu Chega! molok halo leis ba implementasaun rekomendasaun Chega!.

Iha fatin hanesan Chiquito da Costa Guterres, membru komite koredenasaun ETCRN seluk hateten katak koalia kona ba implementasaun relatoriu Chega! presiza implementa ho prosesu integrado ida nebe reflata asunto sira hanesan justisa, rekonsiliaun, reparasaun ba vitima no selu-seluk tan. Tan ne'e labele komplika vitima sira nia hanoin

The East Timor Crisis Reflection Network (ETCRN) – Rede Reflesaun ba Krize Timor Leste nudar rede ida nebe hari iha Junu 2006 bainhira mosu krize politika no militar iha Timor Leste. Rede ne'e hari husi Joven Timor Oan lubun ida nebe iha interese no vizaun hanesan hodi promove diskusaun no debates ba asunto kritiku Nacional ruma nebe nasaun hasoru iha pasado, presente no futuro. Durante 2006-2009, ETCRN halao tiha forum ba diskusaun barak hodi kontribui hari dame iha Timor Leste. ETCRN mos adopta tiha ona relatoriu CAVR (Chega!) nudar padraun ida ba promosaun dame iha Timor Leste. ETCRN halao tiha ona forum reflesaun 24 iha Dili, Liquisa, Ermera no Baucau hodi kontribui ba programa Hamutuk Hari Konfiansa iha Timor Leste. Titullu ba Programa ne'e mak Refleta Chega! hodi promove Justisa iha Timor Leste. Alende promove Relatoriu Chega!, ETCRN mos halo advokasia ba Estado hodi tau matan ba distinu rekomendasaun no lian vitima sira nian iha Chega!



**REDE REFLESAUN BA KRIZE TIMOR LESTE**  
Hp +670 7253877, Email: infoetcrn2006@yahoo.com

hodi hamosu deit lei reparasaun no haluha tiha justisa ba autores violasaun direitus humanos nebe akuntese iha Timor Leste iha tinan 1975-1999. Ita hotu konkorda katak repasaun ne'e direitu fundamental ida ba vitima sira maibe labele halo ida ne'e hodi promove fali imunidade ba kriminozu sira. Tan ne'e ETCRN husu atu PN presiza halo debate uluk ba relatoriu Chega! bainhira hakarak halo lei reparasaun ba vitimas violasaun direitus humanos iha tinan 1975-1999.

Luizinho Martins, Program Coordinator ETCRN

The East Timor Crisis Reflection Network (ETCRN) – Rede Reflesaun ba Krize Timor Leste nudar rede ida nebe hari iha Junu 2006 bainhira mosu krize politika no militar iha Timor Leste. Rede ne'e hari husi Joven Timor Oan lubun ida nebe iha interese no vizaun hanesan hodi promove diskusaun no debates ba asunto kritiku Nacional ruma nebe nasaun hasoru iha pasado, presente no futuro. Durante 2006-2009, ETCRN halao tiha forum ba diskusaun barak hodi kontribui hari dame iha Timor Leste. ETCRN mos adopta tiha ona relatoriu CAVR (Chega!) nudar padraun ida ba promosaun dame iha Timor Leste. ETCRN halao tiha ona forum reflesaun 24 iha Dili, Liquisa, Ermera no Baucau hodi kontribui ba programa Hamutuk Hari Konfiansa iha Timor Leste. Titullu ba Programa ne'e mak Refleta Chega! hodi promove Justisa iha Timor Leste. Alende promove Relatoriu Chega!, ETCRN mos halo advokasia ba Estado hodi tau matan ba distinu rekomendasau no lian vitima sira nian iha Chega!